



REPÚBLICA DEMOCRÁTICA DE TIMOR-LESTE
IV GOVERNO CONSTITUCIONAL
SECRETARIA DE ESTADO DO CONSELHO DE MINISTROS

KOMUNIKADU BA IMPRENSA

SORUMUTUK KONSELLU MINISTRUS LORON 18 FULAN MARSU TINAN 2009

Konsellu Ministrus hala'o sorumutuk iha loron Kuarta-feira ne'e, loron 18 fulan Marsu tinan 2009, iha Sala Sorumutuk fatin Konsellu Ministrus, iha Palásiu Governu, iha Díli, no aprova tiha ona:

1- Dekretu-Lei ne'ebé aprova Kódigu Penál

Aprovasaun Kódigu Penál ne'e pilar fundamentál ida iha sistema jurídika Timor-Leste nian. Governu entede katak ida ne'e prioridade lejislativa ida no ne'ebé garante direitu no liberdade fundamentál previstu iha Konstituisaun Repúblika Demokrátika Timor-Leste.

Ekipa téknika, kompostu hosi timor oan no internasionál sira ne'ebé mak elabora diploma ida ne'ebé tuir realidade sosiál no kultura timor ona sira nian maibé mós rona representante Sosiedade Sivil sira, Dioseze Díli no Baucau no Majistratura Judisiál ne'ebé pronunsia kona-ba projektu diploma ne'ebé relasiona ho Kódigu Penál.

Bainhira ida ne'e hanesan Kódigu ida ne'ebé koalia liu kona-na liu ba Estadu Direitu Demokrátiku, iha ne'e bele haré kona-na prinsípiu dignidade umanu ne'ebé konsagra iha ne'e, respeito ba liberdade individuál sidadaun ida-idak no responsabilidade Estadu nian hodi intervén bainhira haré katak iha ona violasaun ruma ba lei fundamentál sira iha moris iha sosiedade laran. Iha sirkunstánsia hirak hanesan ne'e kabe ba Estadu hodi asume direitu atu fó kastigu no devér sosiál atu reintegra ajente iha sosiedade. Prinsípiu legalidade, kulpa no umanidade mós relete Estadu Direitu Demokrátiku ida ne'e.

Tuir forma jerál ida no rezumidu, Livru I Kódigu Penál kompostu hosi titulu walu ne'ebé kada ida prevé hanesan tuir mai:

- Títulu I: Parte jerál, aplikasaun Lei;
- Títulu II: konsagra krime sira hasoru ema, hodi proteje leis sira ne'ebe defede ema ida-idak nia direitu ne'ebé haree liu ba ema nia vida, integridade física, liberdade ema ida-idak nian no sexuál no fo protesau ba ema nia moris rasik;
- Títulu III: prevé krime sira hasoru moris iha demokrasia, ida ne'ebé estabese krime hasoru públiku nia hakmaték, seguransa Estadu nian no moris iha sosiedade, nune'e mós krime eleitorál sira no krime hasoru autoridade pública;
- Títulu IV: kontempla protesau patrimóniu bazeia ba krime oin-oin komun liu iha lejislasau penál bar-barak (furto, na'ok abuzu konfiansa no danu) ;
- Títulu V: konsagra krime hasoru realizaun Justisa no krime ne'ebé pratika bainhira hala'o servisu públiku;
- Títulu VI: prevé kastigu ba aktu prosesuál hirak ne'ebé falsu, hahalok impede aktividade jurisdisionál nune'e mós aktu subornu;
- Títulu VII: hateten kona-ba tipu krime falsifikasaun dokumentu nian, notasaun téknika, moeda no valór seladu ka timbra tiha ona, pezu no medida, marka, kuñu no tau xansela;
- Títulu VIII: defini krime sira kontra ekonomia (branquementu kapitál, fraude fiskál no situasaun kontra bandu nian no seés dalan ne'ebé koalia kona-ba kestaun hirak alfandegária nian ka iha fronteira).

Diploma ida ne'e buka ona atu hetan ekilíbriu ida ba modelu penál abstraktu hodi konsidera mós tipu krime no gravidade, ierarkia bens nian ne'ebé hetan protesau husi lei no limite másimu ba pena prizaun nian.

Konsellu Ministrurs analiza tiha ona mós:

2- Apresentasaun Manuál ba Política Abitasaun Sosiál ba Grupus Vulnerável sira

Ministériu Solidariedade Sosiál, atu fó direitu ba prioridade ne'ebé defini tiha ona iha tinan ida ne'e, hakarak halo konstrusaun ba abitasaun sosiál ba grupu vulnerável sira, atu nune'e bele kria kondisaun dia'ak moris nian, fó protesau no prosperidade. Governu nia hanoin ne'e hakarak oferece ekilibrú boot iha assisténsia sosiál hodi buka hamenus ki'ak.

Manual ida ba Polítika Abitasaun Sosiál ne'e komtempla liña orientadór sira ba konstrusaun abitasaun sosiál ne'ebé planeia tiha ona ba distritu sanulu resin tolu: planu estratéjiku, kritéria, faze prosesu administrativu, fnansiamentu no dezenvolvimentu porjektu nian.

3- Apresentasaun Dekretu-Lei ne'ebé harí Orgániku Polísia Militar

Polísia Militar nu'udar unidade ida ne'ebé integra iha F-FDTL, Dekretu-Lei ne'e hakarak regulamenta sira nia aktividade no estatutu nune'e mós determina nia pozisaun iha Kuadru Forsas Armadas.

Iha ne'e komtempla ona kestaun estatutáriu ne'ebé relaciona ho direitu no devér, formasaun no kualifikasaun profesionál Kuadru sira nian. Hakarak liu identifika perfis tékniku-profisionál espesífiku sira (tuir funsaun, tarefa no kompeténsia ne'ebé korresponde ho kargu sira ne'ebé dezempeña iha Polísia Militar), halo lolós kritériu selesaun sira atu nune'e, bainhira kontribui ona ba servisu disciplina militar, bele evita impunidade krime sira iha foru militar.